




Indlela imbovane eyalihlangula ngayo ihobe

Kholeka Mabeta and Judith
Baker
isiXhosa

African
Storybook.org

Ilanga laligqats' ubhobhoyi
kwihlathi elomileyo.





Kwakusele kuziintsuku
ezininzi imbovane
encinane ingawaseli
amanzi.

"Ndinga ithontsi lamanzi
nokuba liwa egqabini."





Kodwa nombethe
wawusele womile.


"Ukuba andiseli manzi ngoku, ndiza kufa," yatsho imbovane encinane inyembezana. "Kufuneka ndiye kula mlambo bendive ngawo."






"Umlambo uza kumka nawe," watsho unomatse okrelekrele eyilumkisa.


Kodwa yayomile lunxano imbovane encinane. "Ndiza kufa ukuba andiseli manzi ngoku."





Imbovane encinane
yahamba isiya kukhangela
loo mlambo...

yahamba yahamba idlula
kwingca eyomileyo
nakumahlahla awomileyo...






...yahamba yade yeva
ukugwinkciza kwamanzi
omlambo.


Imbovane encinane
yathatha ithamo lamanzi
ixesha elide.





Ngendlela eyayivuya ngayo
ayizange ilibone iliza
elikhulu lamanzi elalisiza.


Imbovane yazama
ukubambelela emcingeni
owomileyo wengca
owawudlula ngakuyo.
Kodwa yemka namanzi.






"Ndincedeni bantu.
Khanindincede."

"Khawuleza, bambelela
apha," latsho ihobe
elimhlophe liphethe ikhuni
ngomlomo.








"Andinakuhamba
ndingekalibuleli ihobe.
Ndiza kulinda lide lize
kusela amanzi."

Ngenye imini isalindile njalo, kwafika amakhwenkwe amabini emlanjeni ephethe iiketi zawo.



"Kukho ihobe elikhulu
elimhlophe elidla ngokuza
kusela amanzi apha,"
yatsho enye inkwenkwe.
"Siza kutya lona ngale
ngokuhlwa."





"Andinakuwavumela la
makhwenkwe alibulale eli
hobe limhlophe.
Kodwa njengokuba
ndimncinane kangaka nje,
ndingenza ntoni?"





Kanye ngelo xesha ihobe
elimhlophe labhabha lisuka
emthini lisiya kusela.





Imbovane encinane yavela
necebo.

Yatsibela unyawo lwenye
yala makhwenkwe, yaza
yalithi nkxii kanobom.





Le nkwenkwe yaxhuma.
"Yhoo!" yakhwaza isitsho.

Ihobe elimhlophe lothuka
laza labhabha lisiya
kwindawo ekhuselekileyo.





Yaba ke ngolo hlobo
imbovane encinane ibulela
ihobe elimhlophe
ngokuyihlangula.


Indlela imbovane eyalihlangula ngayo ihobe

Writer: Kholeka Mabeta and Judith Baker

Illustration: Wiehan de Jager

Translated By: Siyamthanda Jiza

Language: isiXhosa



© African Storybook Initiative, 2014



This work is licensed under a Creative Commons Attribution
(CC-BY) Version 3.0 Unported Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

Saide 
South African Institute
for Distance Education

www.africanstorybook.org
A Saide Initiative